

ԵՊՀ Իջևանի մասնաճյուղի բնական գիտությունների ֆակուլտետի խորհրդի նիստի
28 մարտի 2014թ.

Նախագահ՝ Ա. Վ. Յուզուլյան

Քարտուղար՝ Դ. Ս. Գասպարյան

Նիստին հրավիրվել էր նաև ֆակուլտետի համակարգչային մասնագիտական
լաբորատորիայի վարիչ Ն. Ն. Դավթյանը:

ՕՐԱԿԱՐԳ

**1. Ավարտական կուրսերի քննաշրջանի նախապատրաստում, գրաֆիկի
հաստատում:**

Ձեկուցող՝ ֆակուլտետի դեկան Ա. Յուզուլյան

**2. Տեղեկատվական ռեսուրսների չափանիշների արդյունավետության -
մատչելիության վիճակի քննարկում:**

Ձեկուցող՝ Ն. Ն. Դավթյան

Լսեցին.- Ա. Վ. Յուզուլյանի զեկուցումը 2013-14թթ. ուստարվա ավարտական
կուրսերի ըստ ուսումնական պլանի կազմված քննաշրջանի ժամանակացույցի և դրա
հետ կապված իրականացվող աշխատանքների մասին: Քննաշրջանի գրաֆիկը
կազմվել է միայն «Բնապահպանություն և բնօգտագործում» մասնագիտության
համար:

Նա միաժամանակ ընդհանուր հանձնարարկան տվեց դեկանատին և
ամբիոններին քննաշրջանի ընթացքում լինել հետևողական քննաշրջանը
կազմակերպված անցկացնելու՝ համապատասխան ուսումնական կարգին և
հաստատված գրաֆիկի:

ԱՐՏԱՂԱՅՏՎԵՑԻՆ- Անտառագիտության ամբիոնի վարիչ Ա. Զ. Ալավերդյանը: Նա
ընդգծեց, որ հարցաշարերը ժամանակին տրվել են ուսանողներին, որը կազմվել է
ըստ անցած նյութի քննարկվել և կազմվել են քննական տոմսերը: Կազմակերպվում
են ակնարկային դասախոսություններ:

ՈՐՈՇՈՒՄ- 1. Հաստատել 2013-14թթ. ուս. տարվա II կիսամյակի ավարտական կուրսերի քննաշրջանի ժամանակացույցը:

2. Քննաշրջանը կազմակերպել հաստատված գրաֆիկով:

Օրակարգի երկրորդ հարցի մասին զեկուցող Ա. Վ. Յուցուլյանը ներկայացրեց ֆակուլտետում իրականացվող տեղեկատվական ռեսուրսների չափանիշների արդյունավետության-մատչելիության մասին: Նա ձայնը տվեց ֆակուլտետի համակարգչային մասնագիտական լաբորատորիայի վարիչ Ն. Ն. Դավթյանին:

Ն. Ն. Դավթյանը ներկայացրեց համակարգչային մասնագիտական լաբորատորիայի գործունեության ոլորտները. դասացուցակով նախատեսված դասապրոցեսից բացի լաբորատորիայում ցուցաբերվում է խորհրդատվական աջակցություն ուսանողներին՝ հետազոտական աշխատանքների կատարման ընթացքում կազմակերպվում և անցկացվում են ավարտական որակավորման և կուրսային աշխատանքների, ռեֆերատների, ինքնուրույն աշխատանքների համակարգչային սպասարկումը, ապահովվում է դասախոսների և ուսանողների անհատական գրաֆիկով աշխատանքը: Առկա է անհրաժեշտ ծրագրային և տեխնիկական ապահովումը: Լաբորատորիայում գտնվում է ներքին ցանց և անվճար ինտերնետ: Ամփոփելով խոսքը զեկուցողը եզրակացրեց, որ համակարգչային մասնագիտական լաբորատորիաների աշխատանքների արդյունավետությունն ու մատչելիությունը ապահովված է:

Ֆակուլտետի խորհրդի նախագահը ավելացրեց, որ ֆակուլտետում գործում է նաև թ. 2 համակարգչային լաբորատորիան, հազեցած ժամանակակից համակարգիչներով:

ԱՐՏԱՀԱՅՏՎԵՑԻՆ-Գ. Վ. Գուլակյանը, Հ. Ս. Գասպարյանը, նրանք համակարծիք էին ներկայացված նյութին, ավելացնելով մասնագիտական համակարգչային լաբորատորիայի կարևորությունը և անհրաժեշտությունը ֆակուլտետի ուսումնական պրոցեսի կազմակերպման գործում:

ՆԱԽԱԳԱՀ

Ա. Վ. ՅՈՒՅՈՒԼՅԱՆ

ՔԱՐՏՈՒՂԱՐ

Հ. Ս. ԳԱՍՊԱՐՅԱՆ